

中華民國二十七年一月

池長官第二次出巡各縣講演錄

附通電演詞

冀東防共自治政府秘書室發行

出巡各縣講演紀錄

- 一，同舟共濟豐潤
- 二，學生時代如一朶鮮花豐潤還鄉河畔
- 三，服從玉田
- 四，興隆縣爲中日滿親善之模範縣興隆
- 五，自作孽不可活遵化
- 六，國家之敗由官邪也三河
- 七，師範生爲未來國民之母三河簡易師範
- 八，仁義之邦仁義之人通縣
- 九，朝夕焦慮爲謀民衆安居樂業通縣
- 十，民衆務須信賴政府勿受國共欺騙通縣民衆教育館

以上第一次

一

十一，自求多福遵化

十二，友邦萬歲遷安郭樞

十三，整齊嚴肅遷安

十四，賢妻良母，自強不息，警防意義遷安文廟

十五，興廢繼絕盧龍

十六，叮嚀親切秦皇島警務局

十七，兄弟之邦秦皇島警防隊

十八，經濟提携在減輕稅率秦皇島查驗所

十九，撫我則后撫寧

二十，親鄰保民撫寧警防隊

二十一，親仁善鄰臨榆縣政府

二十二，捍衛里園山海關警務局

二十三，養樹以保風景北戴河海濱

二十四，北戴河爲查驗所發軔之地查驗所

二十五，周雖舊邦其命維新灤縣

二十六，查驗所爲改革海關之先聲昌黎查驗所

二十七，信賞必罰昌黎菓樹改進所

二十八，以韓昌黎闢佛之精神驅除國共昌黎

二十九，防共親日昌黎警防隊

三十，巡視各縣察看裴洛情形政府應負建設責任

以上第二次

同舟共濟


豐潤二十六年十月十七日

長官巡視豐潤縣在縣政府召集全體職員訓話

本長官今日第一次巡視各縣，見豐潤縣境安謐，交通便利，情
縣長顧問及諸位同人，努力之結果，非常愉快，

本長官在政府訓話之詞，業經分行各縣，諸位同人，想已共見，冀東政府，是防共自治，對此四字，不可忘忽，蓋防共自治，是主義方針，如僅用冀東政府四字，便失其意味也，現在東亞，譬如一船，飄泊大海之中，忽遇疾風駭浪，非常危險，此風浪因何而起，皆因國民黨聯俄容共所致，幸有日本與中國站在防共立場，同是舟中人，應有共濟之誼，又按數千年之歷史，與日本爲兄弟之邦，日本以先進爲兄，中國以追隨爲弟，必須和協提携，破浪邁進，

然徒防共猶不足以竟全功，必須繼以自治，自治者人民努力以求長治之計



也，倘能作到好處，自能現出，匪類絕跡，和樂泰平，閭閻安堵，嬉嬉怡怡之境。要在縣長及顧問之指導，人民之努力，是所切望，更進一層，吾輩應當愛國，愛國必須親日，故非親日不能愛國，非防共不能救國，希望各位，以至誠之心，幫助縣長，受顧問之指導，向前邁進，庶乎有濟，更希望各位遵照本長官之誠律，不蓄髮，不嫖賭，不吸烟，澈底遵守，是所希望。

學生時代如一朶鮮花

豐潤二十六年十月十七日

長官巡視豐潤縣，各中小學校，全體學生，在縣城西還鄉河渡口，恭送

訓話

今日能與各位在此晤面，非常愉快，并承遠道迎送，甚爲感謝，各位學生，幼者六七歲，長者二十餘歲，均是青年可畏，最有希望，學生時代，確是一朶鮮花，此花要開放甚好，將來結果亦佳，倘如開放不好，將來則不能結果，其所以開放不好之原因何在，係受風雨之摧殘，是以花之所懼者，卽是風雨，幼年學生，要知飲食有節，舉動合禮，年長各生，務須不近賭博，不染惡習，卽是不受摧殘，尤有最可怕之烈風急雨，乃是三民主義，共產主義，各位正在求學期間，應研究教科書，及聖經賢傳，萬萬不可看三民主義及共產之書，受其摧殘，今日一見各位，非常愉快，因其愛之深，故不覺言之切，并盼各位教員，用心扶持，以期有成，現在時局，吾

輩須知日本爲我剿共，援救中華水深火熱之人民，別無侵略野心，日本是先進國爲兄，中國追隨爲弟，非彼此真誠不能提携，非提携不能救國，今日機關長與最高顧問，最關心我們冀東，同來巡視，望各位敬聽訓示。

服從

玉田二十六年十月十七日

長官巡視玉田縣，在縣政府，召集全體職員訓話，

今日巡視玉田，見縣境交通尚好，地方亦平安，皆係縣長顧問及各位之努力，非常愉快，本長官在政府，屢次訓詞，想各位早已見過，今日所示，祇以二字，即公務員應知之要道，服從二字是也，服從者，是服從命令，服從指揮，不要假服從，是要真服從，不惟縣長之命令要服從，即顧問囑縣長所發之命令，亦要服從，孟子有言，既不能令，又不受命，是絕物也，其意是說明爲官吏者，一方面發號施令，一方面又須恪守命令，本長官之誠律，應如何遵守，即剪髮一事，必須澈底，凡在冀東範圍作事，必要剪髮，如不服從，即可請便，

冀東政府之政策是親日，凡我同人，非真誠服從不可，如有不服從者，即是破壞政策，殺亦不惜，通州事變，亦因不能澈底，發生此項慘禍，殊爲

痛心，本長官有鑒於此，凡一命令之下，務須真實服從，如水之就下，方能成事，惟在下令之前，切實考慮，絕無強人所難之命令，願大家對於政府之政策，本長官之命令，真實服從，以期達到大亞細亞主義之目的，現在日本此次出師，爲中國剿滅共黨，備受辛苦，救人民於水深火熱之中，是中國所應當親愛之良朋好友，所以希望對我親日政策，非真實服從，真正信仰不可，間有無聊之報紙，作無謂之宣傳，指日本爲侵略，最爲錯誤，萬不可受其愚，試看數年以前，日本軍在我冀東，將共黨擊走，仍以冀東地方，交我二十二縣自己統治，於此可証並非侵略，現在全國皆受共產之禍，日本亦有唇亡齒寒之憂，所以不憚犧牲，而來救援，吾人應如何感謝，况我欲自救救國，必須親日，今向各位簡單言之，以後政府命令，必須本服從之精神，真誠接受，切實奉行，本長官有厚望焉。

興隆縣爲中日滿親善之模範縣

興隆二十六年十月十八日

長官巡視興隆縣，在縣政府，召集全體職員訓話

今天本長官巡視來縣，較比以前，甚有進步，皆是縣長與顧問指導，及各位同人之努力，非常愉快。此地爲中日滿衝要之地，與山海關地方相仿，希望各位明瞭此義，存心作事，實行中日滿親善，並且希望作爲冀東各縣之模範，而冀東二十二縣，又可作全國模範矣。本長官此次出巡，承儀我特務機關長，及難波顧問同來，機關長以前久駐山海關，與冀東發生關係最早，而關懷最切，所以對於冀東，非常期望，即請機關長訓話，望各位靜聽。

自作孽不可活

遵化二十六年十月十八日

長官巡視遵化縣在體育場集合縣政府全體職員警防第一總隊第一區隊第三大隊官兵及各學校學生訓話

今日承各位遠道歡迎，甚爲感謝，今日爲九月望日，縣長於今晨已經行謁聖禮畢，本長官在政府，每於朔望行香禮畢，講述四書一節，今日逢此機會，集合一起，講孟子離婁章，「夫人必自侮，然後人侮之，家必自毀，而後人毀之，國必自伐，而後人伐之，太甲曰，天作孽猶可爲，自作孽，不可活，此之謂也，」

凡人自己不知自愛，則墮落不振，弟兄不爭氣，則家道不昌，國家無紀綱，則社稷淪亡，萬事皆由自取，故太甲曰，自作孽，不可活，就現在時局言之，本長官三十年前，本爲同盟會會員，又爲中華革命黨員，何以現在反對國民黨，實因國民黨不仁不義，自私自利，祇爲個人權益是謀，不顧

國家之利害，事事皆自作孽，不得不然耳，在國民黨未成立以前，同盟會請求日本協助，與日本携手，及其成功，改組國民黨，爭權攘利，背約食言，迨民國二年，國民黨失敗，再逃至日本，其自私自利之心，已爲日本所洞見，輕視之而不與協助，一直至民國十三年，國民黨無法握中國政權，乃別開生面，聯俄容共，其手段卑污，可以想見，本長官自民國五年，即與國民黨脫離，經營業，以後之國民黨，已將共產主義，攜帶而來，使人欲爲民而不得，爲商而不得，生命財產，日日在危險之中，人民塗炭，慘不忍聞，直至今日，爲禍愈烈，

現在日本爲東亞共同之利益，不惜犧牲，討伐釀禍之蝥賊，非國家對國家作戰，乃剷除共產主義，及三民主義，大家務要明瞭，自蘆溝橋事起，日本不願出兵，因中國之共產份子作祟，故與日本爲難，不得不大事剿滅，以救中國，本長官救國之心，不敢後人，欲救中國，非

與日本携手不可，日本爲我掃除共禍，是我良友，非特別親善不可，換言之，欲救中國，非剷除共產黨，不能生存，非打倒國民黨，不能自保，各位如一朶好花，須知好好愛護，倘受共產主義，三民主義之狂風暴雨所摧殘，實爲可惜，希望各位，萬勿被其麻醉，認清時局，不自毀侮，共同努力，乃克有濟，再保安隊已爲不祥之名稱，所以現在改爲警防隊，以副名實，警者保人民之安全，防者防共防匪，顧名思義，最爲適當，以後大家努力，是所切望。

國家之敗由官邪也

三河二十六年十月十九日

長官巡視三河縣，在縣政府召集全體職員訓話

今日是本長官就職後，第一次到三河，三河地方，因通州事變，飽受虛驚，實以縣長與顧問，維持妥善，地方未受影響，今見三河如故，非常愉快，冀東政府，成立年餘，試問所作防共之成績何在，自治之事業何在，甚覺慚愧，其原因甚多，亦不必談，現在我們已受通州事變之教訓，要知非澈底防共自治不可，防共與自治，事關重大，非長官一人之力所能成，必須各縣縣長互相努力，又非各縣長一人之力所能作，尤賴各同人，具有熱心，以忠勇真誠，輔助縣長，聽受顧問之指導，能如是，自然可以作到好處。

本長官在唐山政府之訓詞，業經印發各縣，想各位均已見過，余以爲作官

不能爲民造福，實由不能廉潔，故自就職以來，力求刷新，造成廉潔政府，公務人員，務須澈底自愛，方克有濟，如謂衣食不足，何以言廉，揆其究竟，皆因不知自愛，凡公務員無論職位大小，所領之俸薪，未嘗不足敷用，卽薪水最少者，如能量入爲出，亦皆可勉強，不致有所虧累，惟一有嗜好及賭博之事，無論多寡，每感不敷，故爲官要義，第一要知自愛，要守官規，能如是則不染惡習，無惡習則衣食自足，衣食足則不取非分之錢，而廉潔可養矣，傳曰，「國家之敗，由官邪也，」卽是此義，今日趁此機會，一面向大家慰勞，一面希望大家皆知自愛，恪守官規，造成廉潔政府，爲人民謀幸福，爲國家作模範，對於各位愛之深，則不覺言之切，務希注意，此次儀我機關長，與難波顧問同來，機關長對我冀東，關係甚深，難波顧問亦極關切，更希望各位敬謹領受訓示。

師範生爲未來國民之母

三河二十六年十月十九日

長官巡視三河縣，參觀簡易師範學校，向全體學生訓話

今日很好機會，與大家在此晤面，非常愉快，諸位是師範生，須知師範生是未來小學生之父母，將來國民之模範，責任至重且大，諸位在此讀書，是要研究學業，預備將來應用，絕非僅爲一紙文憑而來，所以在求學期間，對於學問修養，而對於自身，亦應注意，學生第一要義，要有人格，有人格，始能令人佩服，將來教導國民，亦足爲之表率，其次要將中華民國之立場，認識清楚，方不至於盲從，害人害己，我中華民國，名雖更新，國仍如舊，數千年之精神文化，實未泯墜，先聖之教，孔孟之道，皆示我以作人立國之精神，故稱爲禮教國家，近代因國家衰弱，禮教多受摧殘，自英人鴉片戰役以來，海禁大開，西洋人來，而其思想，亦同時東漸，如天主教，社會主義，接踵而至，洪楊之亂，卽其流毒，在二十年前，又受

西洋之害，國民黨之三民主義，完全由社會主義，混合而成，至民國十三年，又加入俄國之馬克斯主義，爲害之巨，甚於洪水猛獸，我國固自有最寶貴之文化，何以非效法西洋人不可？是大舛錯，所以自十三年以後，以迄於今，混亂不已，

現在吾輩之良朋先進，特別發揮我舊有之文化，在於共同利害之立場，要保持舊有之文化，維護東亞之生存，少數人走入歧途，多數人應予改正，此次日本討伐國民黨，共產黨，實爲愛護鄰邦，援救人民於水火之中，並非與我人民爲敵，余嘗謂中國與日本，同乘一舟，非和衷共濟，不能破浪前進，

諸位要知世界現有二大陣綫，一爲國民陣綫，一爲人民陣綫，南京政府誤行入人民陣綫，以蘇俄之法，施於中國，削足適履，貽害無窮，吾輩現在惟有親仁善鄰，保存我固有精神，東亞文明，立在國民陣綫，萬不可思想

錯誤，自取滅亡，今日得與諸位暢言，實爲興會，請注意爲盼。

仁義之邦 仁義之人

通縣二十六年十月二十日

長官巡視通縣，在政府召集全體職員訓話

今日爲本長官就職後，第一次到通縣，惟到此地，心中有無限沈痛，抱無限慚愧，通縣是我冀東政府首都所在地，現被喪心病狂，禽獸不如之駐通保安隊，卽共產主義份子所破壞，殘殺我友人，擾亂我地方，實爲中華民族歷史上，百濯不淨之污點，本長官及我同人，均應深懷慚愧，乃承友邦仁義，對我人民，仍加愛護，惟對於在通保安隊，施以誅殺，我們感激之餘，亟應覺悟，試看日本軍進城之後，何等寬宏大量，有此不祥之事，猶能身受救濟，未蒙塗炭，應否信賴，應否感謝，世界上惟有日本爲仁義之邦，惟有日本人爲仁義之人，本長官能於今日，在此與諸同人晤面，皆受友邦仁義之施也，吾輩應如何慚愧，惟徒知慚愧，不足濟事，必須認真刷新，努力作去，方不負己負人，本長官自就任以來，所有訓詞，業經印發

各縣，諸同人想已看過。

冀東政府，以前對於防共自治，雖係虛掛招牌，未能切實努力，本長官有鑒於此，務要實事求是，澈底更新，現在公務員，非守三誠不可，一不蓄髮，二不嫖賭，三不吸煙，能守三誠，如僧家之守清規，卽爲官箴，能守官箴，自然處處覺悟，今與儀我機關長，難波顧問同來，機關長與我冀東關係最深，難波顧問對於冀東亦甚關切，當有良好之訓示，請敬謹領受。

朝夕焦慮爲謀民衆安居樂業

通縣二十六年十月二十日

長官巡視通縣，在通縣政府，向民衆訓話

今日各位遠道歡迎，至爲感謝，在兩月以前，在通之保安隊事變，地方受重大擾亂，本長官在七月二十九日，聞變之後，於次日即擬前來，因未得軍部許可，未能如願，迨發表就任以後，時時想來，屢因故遷延，至七十餘日，始得來此與各位晤面，非常愉快，而又非常慚愧，以政府所養之保安隊，不能保衛地方，反而貽害地方，於我民衆，實深愧對，前任王縣長維持出力，現已調升民政廳長，茲又爲地方請胡縣長接任，蓋以瘡痍之餘，非有賢明之縣長，不足以謀善後，胡縣長來此一月，地方情形，業已恢復，又有良好之顧問，通縣政務，當可推進。

中國與日本，是兄弟之邦，不應以兵戈相見，乃國民黨另有懷抱，爲維持自己之權利，別開生面，借共產黨，以禍國殃民，於是日本憫鄰邦淪陷，

維東亞之文明，不得不聲言致討，除暴安良，試看保安隊如此慘殺，而日軍對我民衆，仍然愛護，可以證明日本之大仁大義，可以信賴無疑，在保安隊未變以前，相處甚佳，所以此地不允許有國民黨共產黨之份子發生，將來有此不逞份子，務須報告警局或縣長，立即驅除，本長官就任以來，朝夕焦慮，爲謀二十二縣安居樂業，不唱高調，惟求實際，一面爲民衆謀安樂，一面驅國共之蝥賊，須知國民黨與共產黨，剷除不盡，則人民之福利，無由而興，希望諸位明瞭此義。

民衆務須信賴政府勿受國共欺騙

通縣二十六年十月二十日

長官巡視通縣，在民衆教育館，向學生訓話

今日與各位在此相見，是本官長就任後，第一次來通縣，前因保安隊事變，遭逢危險，今日晤面，各位無恙，非常愉快，通縣自受慘變，民食維艱，本長官前在唐山，曾經接濟米麪，日本軍亦接濟米麪，日本官民，被害如此之慘，而日本軍不惟對於民衆不加害，反而救濟，足見是愛護民衆，日本此次興師，是與國民黨共產黨爲敵，與我人民爲友，中日兩國，原係兄弟之邦，各位要明瞭此義。

冀東政府，是防共自治政府，不容有國民黨與共產黨，然後方可爲人民謀福利，使人民安居樂業，政府在唐山，因種種關係，一時尙難遷移，所以爲通縣特別請賢明之縣長，良好之顧問，前來治理，通縣可以漸漸恢復，各位千萬勿受國民黨及共產黨之欺騙，麻醉，如果有此不逞份子發現，則

日本軍一定不客氣而來轟炸，各位須明瞭此意，時間短促，言詞簡單，再謝各位歡迎盛意。

自求多福

遵化二十六年十一月十四日

長官第二次出巡在遵化縣體育場召集縣政府職員警防第一總隊第一區隊
第三大隊官兵警務局官警各學校學生及紳商各界訓話

各位同志，各位同學，各位同事，今日本長官再來遵化，得有機會，重與各位談話，非常愉快，本長官數次來此，每來一次，興會特別增加，遵化地方，多山多水，又有最好的風土，各位長住於此，山川靈秀，得天獨厚，應當如何努力，以期不負此優越之天惠，有此山，有此水，尙不足奇，而地下埋存許多寶藏，此種富源，別處罕有，深爲可羨，然山水雖佳，寶藏雖富，如不加以人工，亦是枉然，大凡禍福之來，爲人自召，語云，禍福無門，惟人自召，孟子曰，自作孽，不可活，各位住此天富之區，林泉旣美，愛鄉之心，悠然而生，應竭力開發地利，爲桑梓造福，各位試看山上之長城，當年造此是何意思，古代先民，依此雄偉堅固長城，以避外夷

侵略，而謀安居樂業，遠禍趨福，古今一也，現在時代變遷，蜚螭萬里，空留遺蹟，金湯之固，已無用處，希望各位，個人心中造成一最大之長城，以避禍患，今日東亞之禍維何，卽是如洪水猛獸，禍國殃民之國民黨與共產黨，各位要深惡而痛絕之，要嚴防而剷除之，

現在東亞已有最大之長城，能爲吾人驅禱，能爲吾人造福，卽是我友邦日本，吾人有此長城，方能不受西洋之禍，恃此長城，以排除國民黨與共產黨之禍，由歷史上觀之，中華民族與西洋民族，戰爭甚多，自上古波斯希臘戰爭，以至近代鴉片之役，日俄之戰，皆實例也，數千年來，東西洋原不相融，欲保東亞文明，非有一大團體，不能抵禦，現在我與友邦彼此提携，日臻親善，以救禍造福，是爲東亞百年計也，各位既有此天富之區，讀書者應拼命用功，供職者要拼命建設，更希望各位心中作一長城，以禦此洪水猛獸之國民黨共產黨，今日時間短促，未能盡意，臨行贈各位一言

，便是「自求多福」。

友邦萬歲

遷安二十六年十一月十四日

長官巡視遷安縣途中至遷安屬郭溝灤河岸渡口向各村民衆大黑山高小學

校學生訓話

今日先向各位謝謝，遠道來此，歡迎本長官及機關長顧問之盛意，歡迎口號中，有「友邦萬歲」四字，聞之甚爲歡喜，各位知道友邦日本，是吾輩應當親善者，各位有此認識，本長官非常感謝，非常歡欣，須知現在非倚靠友邦，不能造福遠禍，冀東今日何以如此太平，如此安定，端賴友邦之力，在二年以前，幫助我們建造冀東，所以今日得享福利，感謝友邦萬歲，是應當有此心，今日如此歡迎，是應當有此舉，本長官十分欣然，更有一言，希望各位同學，民衆父老，注意種樹，蓋種樹一事，在鄉村夏日可以避暑，樹木長大，能吸收水分，地方可以免旱潦之虞，并能變易空氣，有益衛生，使人多壽，冬日修理枝幹，可以取爲燒柴，是最有益之事，每人

一年，能種樹十株，如此十年，利益不淺，如栽種愈多，收益愈大，希望各位注意照辦，則濯濯者，一變爲青青，景色既美，材木不可勝用，地方亦富矣。

整齊嚴肅

遷安二十六年十一月十五日

長官巡視遷安縣在縣政府召集全體職員及警察訓話

本長官早擬來遷安巡視，因唐山方面，未克離身，是以遲至於今，方能到縣，昨日到遷安境內，見公路修理平坦，庶政均已舉辦，非常欣慰，政治爲人民而設，凡百政治，務要整齊嚴肅，諸位在縣長顧問指導之下，整齊嚴肅，已有覺悟，已有成績，本長官非常快慰，中國人向來最不講究秩序，爲政之道，是領導人民，不整齊者使之整齊，不嚴肅者使之嚴肅，以身作則，先由自己整齊嚴肅，爲之表率，而後方能納民於軌物之中，縣長與顧問，經驗深而學問富，自能領導諸位向前努力，更希望錦上添花，益求更進一步，作二十二縣之模範，從今日起，務希特別加功，是所厚望。

目次

賢妻良母 自強不息 警防意義

遷安二十六年十一月十五日

長官巡視遷安縣在文廟召集各校教員學生，及警防第一總隊，第二區隊，第三大隊官兵，訓話。

昨日承各位遠道歡迎，候時甚久，至爲感謝，各位同學，是遷安子弟，精神均甚佳，茲分別向各位同學說幾句話。

女師教育，最關重要，不要學南方之時髦，不在禮教學問上用功，專去講究衣裝修飾，實非求學之道，實爲社會蠹賊，要知女子之責任，第一要注意家政，現在之太太式小姐式之學生，本長官極不贊成，因爲既是女子，衣服自己不能作，飲食自己不能調理，專門講求社交，講究跳舞，失去女子責任，如此教育，已成大錯，女師教育，原爲養成將來賢妻良母，並可教授後來之人，成爲賢妻良母，希望教員學生，所最應注意，簡易師範，及中學小學各同學諸君，遷安地方甚苦，人人嘗謂無法可想，本長官甚不

爲然，諸位同學，年富力強，精神甚佳，地方雖苦，努力經營能致安樂，地方雖貧，努力策劃能致富厚，設法改良社會，卽是救苦之方法，卽是青年之責任，今舉一二故事以證明之，中國數千年以前，洪水爲患，上者爲巢，下者爲營窟，生民苦之，禹以九年之功，治平水患，人民得享安樂，以至於今，歐洲荷蘭丹密等國，地均低於海，費大工程，築堤防水，豈但不爲魚，民反樂其居，故曰天行健，君子以自強不息，古今東西，偉人代出，救世救民，有志竟成，萬不可因爲地方窮苦，束手無策也，遷安之紙，馳名遠近，材料所需，利用樹皮，如能從此日起，提倡種樹，久則地方利益，自可想見，讀書原爲將來作事，旣知遷安苦處，改良使之致富，在一縣要改良一縣，在中國改良中國，現在每一學生，種樹十株，并勸朋友及同學種樹，以爲提倡，將來合縣皆知種樹，自然可以化窮爲富。

遷安之名，或出於安土重遷之句，其義甚佳，希望各位顧名思義，務要遷

於安善之途，現在冀東二十二縣，爲安樂之區，較之華北各縣，實爲安全，因爲國民黨與共產黨，禍國殃民，遂致中國各省，陷於塗炭，冀東在二年前，卽承我友邦日本之援助，成立政府，防共自治，方有今日，吾輩極應感謝，諸位應深知此義，在吾境內，絕不容有國民黨及共產黨之存在，對於其宣傳品，焚燒無遺，對於國共餘孽，殺之不赦，萬不可使之遺害地方。

警防隊同志，現在改易名稱爲警防，要知從前保安隊，在通縣慘殺友僑萬惡滔天，使人聞其名，視爲禽獸不如，本長官最爲痛心，各位亦當引以爲辱，是以改爲警防，警者保衛人民之安全，防者禦國共土匪，顧名思義，要知自己任務，向前努力，今日時間迫促，簡單言之，希望各位注意。

興廢繼絕

盧龍二十六年十一月十五日

長官巡視盧龍縣，在縣政府召集全體職員警察及第一總隊第一區隊第二大隊官兵訓話，

盧龍縣在歷史上，號稱最古，孤竹山戎，並著聲光，因年湮代久，遺蹟已邈，諸位在縣長顧問指導之下，要將此已經荒廢之盧龍，復興起來，前人雄偉之城池，費盡物力，交給後人，何以任其廢敗，然則，興廢繼絕，除吾輩外，非他人任也，諸位振起精神，則盧龍即可繁榮，本長官對於屬下，向有戒律三條，一，不准蓄髮，二，不准嫖賭，三，不准吸煙，諸位既爲冀東職員，必須嚴守此三條戒律，本長官此次巡視，所過各縣均甚精神，希望縣長將落後之盧龍，設法振興，政府當竭力協助，諸位今日責任，即在復興盧龍，是以率直言之，務希注意，警防隊現已更改名稱，警者是警衛地方，防者是防共防匪，警察之職務亦然，非能特別保護人民，不足

以盡職責，今日時間短迫，言詞極爲簡單，諸位對於荒廢之盧龍，從事復興，是所企望。

叮嚀親切

臨榆二十六年十一月十六日

長官巡視臨榆縣在秦皇島警務分局召集全體官警訓話

今日得有機會到此，與各位晤面，非常愉快，本長官就任以來，於今百有餘日，每擬赴各縣巡視，只以簿書鞅掌，未能離身，是以遲至今日，我們所負之任務，是在保護人民，保民範圍以內之事甚多，要在警衛地方，使地方不受土匪之患，因為警察持有槍械，足資保民防匪，然因有槍械，而人民見之，每懷懼怕，如果恃以恐嚇人民，即非保民之道，所以對待人民，言語稍重，即將望而生畏，要如病院中之看護，上次已經講過，最要叮嚀親切，特別注意，萬不可施壓迫手段，遇事詳細申告，遇婦孺衰老，特別扶持，方為盡職，局長顧問，自然能時常指導。各位務要切實奉行，使人民愛而敬之，不可使之畏而懼之，須知警察衣食，皆出自民間，不能保民，愧何如之，秦皇島地處衝要，外人最多來往，如不能保護人民，

必爲外人所笑，國際觀瞻所繫，更應特別注意，今日無他言，只以叮嚀親切四字，作爲贈言，務希注意。

兄弟之邦

臨榆二十六年十一月十六日

長官巡視臨榆縣在秦皇島警務局，召集第一總隊第二區隊第二大隊官兵

訓話

今日得有機會，與各位在此敘話，本長官非常興會，警防同志，應顧名思義，雖身着黃色服裝，然性質不是軍人，實為警察，警察責任，是在保護人民，所謂防者，非為國防，所防者是國民黨共產黨及土匪也，各位能保護人民，人民要依賴各位，惟日本與滿洲，均係我之友邦，玉帛舟車，睦誼日增，固勿庸設防，只應保護人民，不受國民黨共產黨之禍，及土匪之害，即是警防之職務，如發現國共土匪，殺之無赦，至本長官外交政策，是熱烈親日，各位亦應隨我親日，中國是衰落之國家，如欲中國復興，必求自己親近弟兄，日本與中國，同文同種，是兄弟之邦，語云，遠親不如近鄰，中日關係，自古即甚密切，所以非親日不能救國，不親日者，不是

我之同志，從前通州保安隊，不明自己責任，非人類之行爲，本長官與各位同志，均引爲奇恥，是以改易名稱爲警防，希望各位澈底明瞭此義。

經濟提携在減輕稅律

臨檢二十六年十一月十六日

長官巡視臨檢縣至秦皇島，在沿海輸出入貨物查驗分所，召集職員訓話今日與諸位在此晤面，非常愉快，查驗所有悠久之歷史，諸位係日本人當然明瞭東亞大陸國策，現在每言中日親善，親善之要，在於經濟提携，如果彼此之間，自定極高關稅，巉巖壁壘，通商貿易，大受阻碍，即失此真義，中國為產業落後之國家，因中日親善之關係，使日本貨物暢銷，而西洋貨物自然減退，自政府成立，我查驗所，益發揮其機能，日本商品暢銷大江南北，英國貨物大受打擊，所以去年有運動取消冀東政府之議，幸蒙友邦協助，未至實現，現在華北情形已變，將來關稅，必須變更，希望各位努力爭先，各位對於國策，負有若大責任，應如何特別自愛自重，作稅吏之模範，以我冀東查驗所為起點，而改良全國海關，征權大政，誠國家財富所繫也，今日時間迫促，言簡意深，務希注意，是所感謝。

撫我則后

撫寧二十六年十一月十六日

長官巡視撫寧縣在文廟召集縣政府全體職員，各格學生，警察官兵，及民衆各團體訓話

今日清晨，在文廟與大家會晤，非常愉快，昨日承各位遠道歡迎，至爲感謝，昨日由遷安來撫甯，由路上思及命名之意，甚有意味，撫甯者撫綏安甯之謂也，縣政府人員，能保護人民，使之安居樂業，卽是能盡職守，卽可不負撫甯之名，應認定能保民者爲領袖，不能保民者爲寇仇，故曰，撫我則后，虐我則仇，各位在撫寧辦事，應特別記此語，由斯言之，縣政府之行政，唯一要在保民，孟子曰，保民而王，莫之能禦，可見不能保民，不足以王天下，王道之精神，卽在乎此，諸位在此溫厚之縣長，有學識經驗之顧問指導之下，時時念及撫甯二字之縣名，努力邁進，一定可辦到好處。

撫甯各同學，及各紳商，要明瞭冀東政府之精神，是在防共自治，我們以防共爲標示，我友邦日本，與我們主義相同，又爲我之先進，我們極應親善，現在中國已爲不肖之國民黨，及萬惡之共產黨，禍國殃民，至於此極，非與日本親善，真正提攜，不能剷除國民黨，不能剷除共產黨，民衆方面，均應有此認識，此次日本犧牲廿萬萬金錢，出動一百萬兵力，爲我們來剿國共，所以要中日聯合一起，譬如鄰舍失慎，如不竭力協助撲救，勢必延燒自己，迫於不得已耳，并無領土野心也，我們應知感謝，剷除國共之後，仍以中國官吏之能愛國愛民者，相與建設，是以防共之後，必須自治，自治云者，非各自爲政，乃聯省自治，之謂也，美國以十三省聯邦自治，中國應以孔孟之道，來求自治，中國古代卽以王道治國，近代之馬克斯主義，絕對不可受其煽惑，希望各位同學父老，對於中國古代文明，不可忘却，四書五經，爲我國粹，本孔孟之道，卽可造成太平，今日時間迫

促，言詞雖甚簡單，關係較爲重大，請詳察之。

親隣保民

撫寧二十六年十一月十六日

長官巡視撫寧縣，在東門外閱警防第一總隊第一區隊野外演習，及分列式，閱畢訓話

今日得有機會，閱看該隊官兵，野外演習及分列式，至爲愉快，茲簡單告警防同志一言，務希注意，現在改爲警防名稱，警者係警察職務，專爲保護人民，防者嚴防國民黨共產黨與土匪，從前稱保安隊，係保境安民之意，現改警防，更較切近，不過通州從前之保安隊持有槍械，不知保民，反而擾害地方，慘殺友僑，置自身責任於不顧，不能殺殲國民黨共產黨，而戕及友好，殊堪痛恨，所以保安隊三字，已爲人所不齒，本長官引爲沈痛，大家亦均蒙此恥，是以改稱警防，應當顧名思義，保護人民，各位手中槍枝，是人民所給與，每月餉糈，是人民供給，人民之所以供給鎗枝餉糈，原爲人民無武力自衛，出錢以養我，我應竭力以保民，保民之道，卽在

嚴防地方，不容有國民黨共產黨及土匪發現，如有國共之餘孽未淨，盜匪之患害未清，即是警防之責任未能完盡，對於人民，當懷愧怍。

現在冀東何以如此安定，胥賴友邦協助之力，中日滿合作，剷除共黨，使我們得享太平之福，應當深知感謝，各位要以前車爲鑑，認清自身責任，一，要保護人民，二，要親善友邦，日本友軍，如此犧牲，爲我剷除共匪，對於我人民，非常愛護，我們在感謝之餘，亟應努力，以盡職責，是所切盼。

親仁善鄰

臨榆二十六年十一月十六日

長官巡視臨榆縣，在縣政府，召集全體職員各校學生訓話，

今日承諸位歡迎，至爲感謝，此地本長官已來數次，每來一次進步一次，非常愉快，臨榆地方，爲中日滿三國之衝區，異常重要，冀東防共自治政府，在親仁善鄰，而親善之模範，要從臨榆縣作起，爲各縣榜樣。

西洋勢力，漸次侵入中國，前清林則徐在廣東焚燒鴉片，與英國發生鴉片戰爭，結果有五口通商之約，英人先行侵略，繼而俄人以西伯利亞鐵路，由東三省侵來，幸有友邦日本，出力將俄人驅逐，白山黑水之間，燕晉魯豫之域，已無俄人勢力，不意國民黨乃將如虎如狼之英俄，引入中國，置我四萬萬同胞於塗炭，賴我友邦援助，有冀東政府出現，冀東是中國復興之先聲，爲四萬萬人謀福利，驀然邁進，政府責任之重且大如此。

中日滿是親愛弟兄之邦，不相提携，不足以抵禦西洋勢力，臨榆地方，爲

中日滿第一關係之區，諸位同志，同學，同事，在此重要區域，努力作起，達到極端親善之目的，是所切望。

捍衛里閭

臨檢二十六年十一月十七日

長官巡視臨榆縣，在山海關警務局召集全體官警訓話。

今日在此與諸位晤會，甚爲愉快，本長官早擬赴各縣巡視，因種種關係，未能離唐，所以遲至於今，抱歉之至。

警察職務，要在保民，保護人民之事項甚多，要在警衛地方，使地方不受盜匪之患，七竈不驚，閭閻安堵，方爲盡職，再警察既爲保民，對於人民不宜壓迫，務要親切叮嚀，此義想局長顧問，自然時常指導，諸位務要切實奉行，使人民愛而敬之，不應使之望而生畏，山海關爲中日滿三國之要衝，地方非常重要，務望親仁善鄰，使友邦僑民，均認爲樂土，不生亂危之感，則在諸君能捍衛里閭，中外無不謳歌矣。

養樹以保風景

北戴河二十六年十一月十七日

長官巡視北戴河風景區管理局召集全體職員訓話

本年夏季，曾與各位談話一次，現在已經百餘日，希望北戴河再行擴大，作中國一大風景區，因為此間，多有外人來往，各位係國際間之公務人員，事事務要注意，現在冬令，事務較少，希望對於山上樹木，特別保護，全區路徑，特別當心，在此冬天，加以注意，明年夏天，自然佳勝，好在有局長及警務局長領導，當然各盡職責，務須特別努力，是所切望。

北戴河爲查驗所發軔之地

北戴河二十六年十一月十八日

長官巡視北戴河沿海輸出入貨物查驗分所召集全體職員訓話

今日如此天氣，承諸位到站候迎，萬分感謝，本長官所欲言者，已由機關長詳細訓示，無可再言，惟查驗所成立之初，所有經過，略爲述之，當查驗之成立，甚感困難，而北戴河是第一開始成功，均係諸位之努力，所以嗣後仍望諸位，遵機關長之訓示，更行努力進行，是爲至盼。

周雖舊邦 其命維新

濠縣二十六年十一月十八日

長官巡視濠縣，在縣政府召集全體職員警察官兵，及警防第一總隊官警

訓話

今日承諸位熱烈歡迎，至爲感謝，本長官此次出巡，所經過多係大縣，以鄉村歷年兵災，房舍多不整潔，各縣政府，亦皆破舊，在富有歷史之國家，爲當然應有之現象，詩曰，周雖舊邦，其命維新，希望各位要抱定革命精神，使舊者增新，破者完整，建設起來，爲第一任務，因爲古人有偉大之力，有偉大之成功，後人不能保守，是以凋弊，刷新建設，是後人應盡之責，中國諺語，有官不修衙之言，亦太放棄責任，本政府則不然，事事要維新，處處要建設，諸位務須明瞭，茲縣長報告，建設廉潔政府，本長官甚爲欣悅，中國官吏，向來只知貪污，不講廉潔，是以致國家於敗，希望縣府同事，警防同事，本廉潔之精神，互相砥礪，努力前進，本政府爲

防共自治，因為國民黨與共產黨，不利於中國，故非剷除不可，有謂日本為侵略者，實甚錯誤，譬如兄弟之間，弟不務於正，其兄勸之不應，不惟揮霍無度，且復引盜入室，自焚其居，其兄如不出而援救，勢必延及己身，日本之為我剿共，即是斯意，所以對於國共兩黨，剷除務盡，對於中國人民，特別愛護，我之外交政策，絕對親日，我之敵人，是國民黨與共產黨，日本為我出力，將我最痛心最為禍之國共剷除，應知感謝，然以後之建設，是我們大家之責任，各縣凋弊，務要更新，希望本此義，向前努力，時間短促，略盡於此。

查驗所爲改革海關之先聲

昌黎二十六年十一月十八日

長官巡視昌黎縣，在沿海輸出入貨物查驗分所召集全體職員訓話

今日天氣甚寒，承諸位歡迎，甚爲感謝，適聞機關長所示之政策國策之言，甚爲詳明，夫查驗所，大而言之，爲國家政策，小而言之，爲政府命脈，以前政府未成立之際，恐經濟不足，所以議設查驗所，以開財源，承諸位努力之結果，目的已能達到，一，南京關稅大受打擊，二，政府財源亦能充裕，然諸位之任務，尙未完了，查驗所爲改革稅關之先聲，應期漸漸發展到華北各省，卽以查驗所爲之模範，諸位負此責任，自應特別自重自愛，不要再蹈以前之惡劣習慣，振起精神，努力邁進，是所切望，時間短促，故簡略言之，務希注意。

次次

信賞必罰

昌黎二十六年十一月十八日

長官巡視昌黎縣，在建設廳第一區菓樹改進所，召集全體職員訓話。今日來此與各位晤面，甚爲愉快，希望各位本其所學，對於改進事項，幫助所長，努力進行，本長官整躬率屬，凡事一秉大公，有功則賞，絕不漠視，有過則罰，毫無寬宥，大家既是官吏，應當恪守官箴，希望自愛自重，各盡職責，今日見各位精神甚佳，髮均剪短，是具有改良之氣象，甚爲欣悅，務各服從所長之指導，努力邁進，是所切望。

以韓昌黎闢佛之精神驅除國共

昌黎二十六年十一月十八日

長官巡視昌黎縣，在縣政府召集全體職員訓話

今日天氣甚寒，承諸位到站歡迎，甚爲感謝，本長官以前經過昌黎數次，均未得停留，今得到此，不勝欣幸，昌黎乃唐代韓文公故鄉，實爲名區，韓文公之文章，起八代之衰，然文章爲藝術，其事甚小，而所以見重於世者，厥惟抱負，闢佛尊孔，事業千秋，迨貶至潮州，途中其自吟詩曰，一封朝奏九重天，夕貶潮陽路八千，本爲盛明除弊事，敢將衰朽惜殘年，雲橫秦嶺家何在，雪擁蘭關馬不前，知汝遠來應有意，好收吾骨章江邊，一到貶地後，仍復敦崇樸學，祭鱷魚之文又何等雄壯，其奮鬥之精神，令人欽佩，吾人應當本此精神，以剷除現在之國民黨與共產黨，以前佛教，文公因時代不同，稍存宗派之見，如孟子惡紫恐其亂朱也，惡鄭聲恐其亂雅樂也，惡鄉願恐其亂德也，故舉全力辭而闢之，今日之國共兩黨，諛詞

邪說，爲人心之害，如三民主義，及馬克斯學說，禍國殃民，傷天害理，我們能不起而一致痛除之乎，諸位住於此間，甚屬平安，較之南北各省，水深火熱，實有天淵之別，因爲我友邦日本，在二年以前，協助我冀東成立政府，所以能享此太平，然我們之工作，尙未完了，現在我友邦雖爲我將國共剷除，以後之建設，仍須我們努力，現在街市不整，商業不振，希望諸位努力，將此文化之邦，改良建設，在縣長顧問指導之下，一致邁進，是所切望。

防共親日

昌黎二十六年十一月十八日

長官巡視昌黎縣在北門外，閱警防第一總隊第二區隊野外演習訓話

今日閱視野外演習，見各位精神甚佳，至爲快慰，本長官進城時，見城門所貼之標語，有防共驅匪等字，甚爲欣喜，今日雪後，天氣寒冷，各位具此精神，殊堪嘉許，各位要知警防之義，警者是保護人民，與警察職務相同，防者是防共防匪，不要忘記防共，卽是克盡天職，本長官之政策，是親日，日本係我人最親善之友邦，對於滿洲國亦然，各位亦應本我之政策，一致親日，中日滿合成一個陣線，保持東亞和平，是爲切要，時間短促，不能多言，諸希注意。

巡視各縣，察看衰落情形，政府應負建設責

任，二十六年十一月二十一日

長官出巡回唐，在本府大禮堂謙會致詞

現在諸位要知，儀我特務機關長，難波最高顧問，及各位顧問，對於冀東非常關切，不憚勞瘁，同赴各縣，是應當感謝者，所以必須親去鄉間，問民衆疾苦者，爲求真確明瞭冀東各縣現狀也。

在巡視之初，所最爲慮者，是地方治安，與交通兩項，乃所巡視之縣，匪患均已肅清，地方亦非常安謐，公路已修理平坦，至以爲慰，惟治安與交通，雖已恢復，而各縣地方凋弊，商業衰落，爲最關心，經此次巡視之結果，所以不容客氣，向各處廳長言之，我政府人員，務要努力，對於冀東凋弊衰落之景象，設法使之恢復繁榮，方不負機關長難波最高顧問，及各

位顧問之期許，再就各縣此次歡迎方面言之，經過之縣，有製造太陽旗與五色旗者甚多，標語并有「友邦萬歲」等字，能將此意，傳到民間，鄉氓村農，皆有認識，殊令人欣慰，亦有不惟太陽旗未製，而五色旗亦不甚多者，此等可歸究縣長，尙未十分注意所致，又前今兩次出巡，各縣招待甚優，既非所宜，復聞衛隊及差役人等，在各縣收受賞賜，實太不合，希望政府及各處廳，嗣後赴各縣視察，或派員前往時，萬勿受各縣金錢招待，是所切望，茲以簡單之詞，作爲向機關長難波最高顧問，及各位顧問致謝勞祉。

附通電演詞

- 一，辛亥革命以推讓而成南京羣豎以攘奪而敗
- 二，防共成功
- 三，南京陷落速組織健全政府通電
- 四，中華民國臨時政府成立賀電
- 五，攻克南京唐山市民慶祝大會祝詞
- 六，二週年廣播講詞
- 七，二十七年元旦訓詞
- 八，二十七年新年祝詞

柒

辛亥革命以推讓而成，南京羣豎以攘奪而敗，

二十六年雙十節國慶及保安第四總隊部新屋落成典禮演詞

今日爲第四總隊部新屋落成典禮，又爲二十六年雙十節國慶，余因進一言，以爲慶祝，韓總隊長說，總隊部之建，在通州全盛時期，事變之後，環境不同，而工程計劃，欲罷不能，惟嫌華麗，於心不安，是總隊長，正直廉明，平日修己治人之功，可見一斑，所說以滿腔熱血，報效冀東，如此赤誠，情見乎詞，古人云，自慚居處崇，未覩斯民康，韓總隊長，可以無愧斯言矣，今日爲國慶之期，試說辛亥革命，武昌首義故事一二，以爲令節之點綴，想爲諸君所樂聞，起義之前，革命黨徒，類皆困窮，經費無出，孫武將軍，發起在武昌設事務所，僅携百元而往，賃屋數椽，卽已資用告乏，於是設計挪用某婦婦之款數百元，旋又告罄，乃往鄉間某廟，削金身菩薩之金粉，藉以維持，後因孫武將軍，在漢口製彈爆裂，創傷送醫，

於是機關破獲，黨人名簿被抄，因思反亦殺，不反亦殺，一夫夜呼，全城響應，當時惟恐不能號召天下，乃擁戴黎元洪及湯化龍，通電全國，而革命遂以告成，夫革命大業也，滿清政府，以雷霆萬鈞之力，百計撲滅，而黨人僅以數百元之資，少數人之團結，成功於俄頃，蓋其犧牲之精神，推讓之美德，有以激動人心，遂致全國景從耳，不意二十六年來，黨人爭權奪利，屢起屢替，十六年之役，竟以聯俄容共，再竊政權，此十年間，恣意聚斂，內外債已至二十餘萬萬，猶以爲未足，復發行法幣三十萬萬，盡人民之脂膏，以供黨人之揮霍，然內則崔苻遍地，民窮財盡，外則構怨強鄰，兵連禍結，國家前途，危如累卵，皆緣黨人只圖自利，罔恤民艱，故顛沛流離，至於此極，哀此子遺，呻吟無告，苦矣哉中華之民也，自辛亥以後，大清遜位，五族共和，號爲中華民國，改懸五色國旗，凡我同胞，莫不額手稱慶，孰知黨人利用此美名，欺騙民衆，實行其掛羊頭賣狗肉之

手段，名曰民國，實則黨國，名曰天下爲公，其實一黨專政，蔣氏獨裁，裙帶姻親，並據要津，政治之壞，古所未有，我冀東於二十四年十一月二十五日，徇七百萬民衆之請，宣布獨立，脫離黨治，相期恢復五族共和，拯民水火，所謂民爲邦本，本固邦寧，革命之意義在此，吾輩之努力在此，今日際此盛典，略述所懷，其共勉之。

三〇

防共成功

二十六年十二月十二日廣播詞

諸位，南京已經攻下了，自來得天下者，必定要先得人心，如果要失了人心，就是有龍蟠虎踞的形勢，金城湯池的險要，亦斷斷守不住，何況南京這個地方，本來是不祥之地，在古代歷史上來說，建都金陵的，多是偏安之局，什麼南朝金粉，秦淮笙歌，無非是一些淫亂的陳跡，供後人的憑弔而已，梁武帝臺城餓死，建文帝僧衣出逃，這些帝王，他們都沒有好結果，到了今日，成爲黨人的巢穴，其不祥更甚，長毛造反，一十六年，全國糜爛，東南的民衆，受害甚慘，而其所盤據的都城，就是南京，曾國藩打進城去，殺個落花流水，所有當時造反的罪魁，無一倖免，原來國民黨與長毛是一樣的東西，孫文就是洪秀全，蔣介石就是洪福，洪福到了南京危險的時候，丟了臣民，逃出城去，後被官軍抓着殺掉，蔣介石亦看看南京危險了，於七日早晨，與他的第六次結婚的愛妻，宋美齡，雙雙坐飛機逃

了，可憐者，無衣無食的二十萬窮民，因為黨人的抗日，受了砲火的驚嚇，弄到上天無路，入地無門，真是可憐啊！南京在事變之前，有一百萬人，有權的，有錢的，平素享盡幸福，這二十萬窮民，就作他們的當差，供他們的驅使。這些有權而有錢的黨人們，又去勾結共產黨，大倡其抗日口號，闖出滔天大禍，實在到危險的關頭，他們老早的將金銀財寶，運到外國去，帶他們的嬌妻美妾，像蔣介石一樣逃跑了，光光剩的，無錢不能走動的二十萬良善的窮民，在那裏受罪，諸位你們看看，黨人是不是與長毛一樣，是不是非常狠心，是不是不仁不義，欺騙民衆的東西，可恨這些萬惡滔天的黨人，盤據南京作為他們的巢穴，已有十年之久，現在既被友軍攻下來，國民黨人，共產黨人，作惡的歷史，可以說，到此作一結束，江南的同胞們，在萬惡的黨人壓迫之下，從此可以重見天日了，自從曾國藩攻下南京，撲滅長毛，清室便就中興，如此說來，這回南京攻克，就是

中國復興的先兆，也就是防共滅黨的一大成功，中日繃的親善，東亞的和平，從此才有希望，諸位要知道，中國和日本，原來是兄弟之邦，萬沒有戰爭的道理，因為國民黨，要把持政權，無端與蘇俄合作，帶了共產黨進來，把自己數千年傳下來的文化，就是孔孟的學說，整個的丟掉，完全去用不合國情的共產主義，所以自從國民黨執政以來，工商業，一天比一天的衰落下來，農村就完全破產，反而國民的負擔，一天比一天的增加，黨國的人，一天比一天的發財，甚至把他們自己的財產，送到外國去，安全全得到保障，把中國的經濟權，交給英國人管理，把中國的政權，交給俄國人支配，所以這十年來，朝野上下，沒有一天不在驚濤駭浪之中，幸虧有兄弟之邦的日本帝國，覺悟到鄰邦的危險，就是他們的危險，火燒到眉上，不能不救，所以仗義興師，把這誤國殃民的國民黨共產黨，根本撲滅，並且把他們的匪巢南京攻下來，真是所謂犁庭掃穴，大快人心，從

此以後，我們全國民衆，都應該覺悟起來，感謝友軍的努力，和犧牲的精神，一面趕快聯合起來，組織新政權，救這些嗚嗚望治的民衆，與日本帝國，滿洲帝國，確實的提携，造成我們防共的陣線，以謀東亞永久的和平，謹祝

友邦大日本帝國萬歲

南京陷落·速組健全政府通電。

北京地方治安維持會，天津地方治安維持會，京津地方治安維持會聯合會，石家莊濟南各縣聯合維持會，綏遠蒙疆聯合委員會，太原治安維持會，大同晉北自治政府，彰德河南自治政府，濟南山東省政府，青島市政府，上海大道市政府，及全國各機關，各報館，各法團，各民衆團體，全國同胞均鑒。天禍中國，黨人專政，十載於茲，民欲偕亡，危及邦本，近復聯共，張威螳臂，妄啟兵戎，國家興亡，視同兒戲，幸賴友軍，仗義興師，弔民伐罪，金陵既陷，掃穴犁庭，順應時勢，奠定邦基，薄海喁喁，咸望維新。應請俯順輿情，迅予組織統一健全之新政府，推進中日滿親善提携，爲東亞策永久之和平，我冀東樹立防共自治政府在距今二年以前，迭次勸告國人，固已力竭聲嘶，其間所遇之艱難險阻，以及堅苦奮鬥百折不撓之志，當爲全國同胞所共鑒，今我華北民衆，一致興起，聯合各自治區赫

然有所建設，將見華北先中國而治，此必然之勢也。宗墨驩忭之餘，尤深禱祝，敬布悃誠，諸希明教，冀東防共自治政府政務長官池宗墨叩文印。

中華民國臨時政府成立賀電

北京中華民國臨時政府公鑒：我冀東防共自治政府，對於中華民國臨時政府宣言，首先表示贊同，溯自我冀東政府，因南京國民黨竊據政權，一切設施，無不殘民禍國，遠交容共，逞其破壞之圖，棄好崇仇，罔顧親鄰之義，逆料定必釀成今日之不幸，私竊危懼，不得已割地以守，建立防共之基礎，敦進友邦之睦誼，夙夜兢兢，保我黎庶，今臨時政府應運而生，謀邦家之再造，策東亞之和平，真誠懇摯，露佈中外，與我政府之主張，完全吻合，無差累粟，是我政府救國拯民之使命，更將發揚光大，指顧完成，順天應命，義無反顧，今新政府既經成立，我冀東自當解消一隅自守之計，川爲合流并進之圖，謹率全區官民，對於我中華民國臨時政府之成立，表示滿腔熱誠，祝前途光明，謹電奉達，惟祈鑒察，冀東防共自治政府政務長官池宗墨，率全體官民同叩寒（十四日）印。

攻克南京唐山市民慶祝大會祝詞

二十六年十二月十四日

今日開慶祝攻克南京大會，鄙人躬逢其盛，甚爲欣幸，此次友軍，克復南京，黨匪之根本崩潰，防共之大業告成，今日盛會，真是薄海騰歡，普天同慶，自國民黨十三年聯俄容共以來，人民如在倒懸，十六年進擾長江，盤踞金陵，據爲僞都，毀滅中國數千年之文化禮教，破壞中國數千年之經濟制度，演成中國亘古未有之獨夫專制，僉壬當道，秕政百出，羅掘聚斂，民不聊生，挾虎狼以自重，視親鄰爲仇敵，國已不國，民將安附，幸有兄弟之邦，日本帝國，仗義興師，弔民伐罪，百日之間，迭克名城，大江南北，次第肅清，今又將僞都，南京攻下，掃穴犁庭，驅除國賊，黨匪巢穴，根本推翻，再造中華，復興黃種，端在此舉，救生民於水火，奠東亞於磐石，中日滿洲提携扶持，共存共榮，永久不替，謹貢蕪詞，以伸祝賀。

一一週年廣播講詞

冀東無線電台放送局，適復活於冀東防共自治政府第二週年之日，是特別可紀念的，淺原顧問與各位同事之努力，做長官是應當感謝的，今天我們冀東防共自治政府二週年紀念日，我們政府全體人員，乃至我們民衆，都要誠懇的感謝友邦的德意，與日滿兩國進行親善的工作，以冀東爲中日滿親善的階梯，同時以冀東爲復興舊文化，舊禮教，並進而謀東亞和平之實驗區，

今天既是本政府成立二週紀念日，當然是值得慶幸的，然而其間不幸有通州事變發生，未免爲白璧之瑕，爲歷史上永遠不能磨滅的污辱，我們自己只有感覺難以形容的羞恥，而深深的懺悔，對於友邦僑民，蒙受如此重大的犧牲，不能不表示十二分的歉意。這是做長官應該首先聲明的，國民黨爲禍中國，既有二十餘年，自民國十二年聯俄容共以來，屢屢因黨內之爭

，釀成國內之戰，以迄今日，舉國已無一片乾淨土，人民陷於水深火熱之中，哀哀無告，所幸冀東二十二縣因塘沽停戰協定之關係，蒙友邦協助，首先脫離黨治，此次事變，雖通州一隅爲其餘波所及，致發生不幸事件，其他各地，固仍然如世外桃源，未嘗被兵燹，諸君都知道人類是求幸福的，我們實行防共自治的目的，卽是爲人民謀福利，今者，我冀東二十二縣，已不容國民黨與共產黨有活動的餘地，地方安寧，可以無慮，惟是將來建設，經緯萬端，敝長官最近兩次出巡各縣，目睹村鎮衰落，與商業凋敝的情形，深自感覺非迅速建設不可，我們政府人員都不能放棄此種責任，於今天二週紀念日以後，更要積極努力，向前勇往邁進。

此次二週紀念典禮，不敢隆重舉行，第一因事變尙未結束，第二本政府雖有二年之歲月，在此二年中，深愧無何成績可言，且有一度通州不幸事件，豈忍不自度德，忘事鋪張，故對各位來賓，未免有簡陋怠慢之處，尙望

原諒是幸 ●

中華民國二十七年元旦訓詞

長官率同僚屬恭詣

孔子案前拈香禮畢全體職員向

長官行賀年禮次由各職員行團拜禮

長官訓詞如下

今日爲二十七年元旦，特別可資紀念。因過去十餘年來，國民黨攘竊政權，盤據中樞，殘民禍國，危及邦本，本屆新年，此禍國殃民之南京政權，業已崩潰，憔悴虐政下之吾民，業已得解倒懸，而北京臨時政府，又適應運而生，普天同慶，薄海騰歡，故本年元旦，與往年不同者，此也。然回憶二十六年以來，禍變相尋，迄無寧日，揆厥原因，固由少數人，爭權攘利，演變而成，亦民衆不能實行監督，有以致之，須知天下興亡，匹夫有責，國家大事，全中國人民均應負其責任

，不得諉卸者也。


此次友邦，爲安定東亞計，爲世界和平計，不惜重大犧牲，以雷霆萬鈞之力，剿除國共兩黨，此種仗義犧牲之精神，爲全世界之所共見，中國民族，獲此更生之機會，自應以遠大之眼光，認清時局，共謀樂利，倘仍不能矯除爭權攘利之惡習，前車不遠，覆轍堪虞，語云，一年之計在於春，今值歲首，奉祝諸同仁努力邁進。萬里前程，今爲發軔，奮圖維新，豈予望之。邇者冀東對於北京新政府，因其政見相同，曾發通電，解消一隅自守之計，而爲合流並進之圖，淺識者流，患得患失，不免中心戚戚，此誠所見太左，政治生活有如波瀾，起伏無定，又如尺蠖，屈伸靡常，况冀東已過風雨如晦之期，嚶鳴求友，幸有同情，本長官於上次講演乾卦九三之爻，曾將持躬處世，居常應變之道，與夫理得心安之奧旨，闡發靡遺，同仁等當能領會，蓋我冀東在

三年以前，首先實行防共自治，並倡導復用五色國旗，其刻苦奮勇之精神，歷劫不換，同仁等均爲防共先鋒，此後更應以堅決不撓之志，勇往邁前，勿忘三年來奮鬥之苦心，與光榮之歷史，雖遇盤根錯節，惟望并力以赴，縱有波折，勿因事餒志，勿見異思遷，必能早日完成防共使命，此則本長官所深切期望者也，敢貢蕪詞，敬祝新年進步。

二十七年新年祝詞

天命維新，春回歲轉，值此中華民族脫離黨禍，共慶昭蘇之候，乃吾國朝野上下，同心一德，熙熙皞皞，共上春臺之時，否極泰來，大福允興，吾全國父老昆季，追溯既往，以例今茲，其欣慰爲何如耶，宗墨自前歲與同人等，於冀東二十二縣，實施防共自治，迭經披瀝肝膽，昭告國人，并恢復五色國旗，爲天下倡，自期愛國決不後人，而成功不必自我，此心此志，可誓天日，其時方冀黨氛早靖，得與友邦，共敦睦誼，支持東亞非常之局，孰料黨人，怙惡不悛，毒痛四海，終勞友邦，仗義興師，未及半載，幸得還我河山，共期樂利，目覩五色國徽，於春風化日之中，復現於華北各地，此我國人所宜慶幸者一，南京黨穴，以友軍神速，在最短時間，摧陷廓清，北京臨時政府，應運而興，又得羣公，發展鴻猷，宏我新命，將見天下歸仁，國基底定，此我國人所宜慶幸者二，抑宗墨尤有進者，吾華

北同胞，雖已脫離黨禍，得慶更生，而南中各省同胞，尙在水深火熱，顛沛流離之際，赤氛四伏，民生凋弊，是又切望吾國人，熟思明德新民之古訓，川護艱難締造之初基，對於防共自治設施，再加努力，務期精誠團結，大業完成，無令坐失機宜，功虧一簣，尤深盼我友邦，本善鄰之誼，愛護有加，俾大好神州，草木同茂，黨禍絕跡，億兆更新，則吾人今年今日，慶祝之熱忱，將貫日月，彌天地，經億萬斯年，而無已也，敬致蕪詞，諸希亮察，順賀新禧，池宗墨叩東。



#0

371136

371136